

Na osnovu odredbe člana 5., 6. i 41. Zakona o kontroli i ograničenoj upotrebi duhana, duhanskih i ostalih proizvoda za pušenje (“Službene novine Federacije Bosne i Hercegovine”, broj: 38/22), te odredbe člana 70. i 147. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj: 35/05), sekretar Ureda za borbu protiv korupcije Unsko - sanskog kantona donosi:

## **ODLUKU**

### **I**

U cilju zaštite zdravlja zaposlenika Ureda za borbu protiv korupcije Unsko - sanskog kantona (u daljem tekstu: Ured), te stranaka i lica koja povremeno ili privremeno borave u prostorijama u kojima su smješteni zaposlenici Ureda, u smislu odredbe člana 6. stav (1) Zakona o kontroli i ograničenoj upotrebi duhana, duhanskih i ostalih proizvoda za pušenje (u daljem tekstu: Zakon), zabranjuje se pušenje u svim javnim zatvorenim prostorima i mjestima rada u Uredu.

### **II**

Shodno definiciji pojmova u smislu odredbe člana 2. Zakona, pod javnim zatvorenim prostorom, odnosno mjestima rada u Uredu, podrazumijeva se svaki prostor koji koriste zaposlenici Ureda za obavljanje poslova iz svoje nadležnosti (kancelarije, sale, hodnici, toaleti), kao i službena vozila Ureda.

### **III**

Ova Odluka se odnosi na sve zaposlenike Ureda, kao i na sva lica koja povremeno ili privremeno borave u prostorijama Ureda.

### **IV**

Shodno definiciji pojmova u smislu odredbe člana 2. Zakona, pušenje je radnja koja dovodi do sagorijevanja duhanskih proizvoda i ostalih proizvoda za pušenje, kojom se stvara dim koji se oslobađa izravno u zrak i udiše ga osoba koja izvršava ove radnje.

### **V**

U smislu odredbe člana 3. stav (2) Zakona, isti se primjenjuje na duhan, duhanske i ostale proizvode za pušenje, uključujući elektroničke cigarete, bezdimne duhanske proizvode i biljne proizvode za pušenje.

### **VI**

U svim javnim zatvorenim prostorima i mjestima rada u Uredu, postaviti će se jasno vidljiva upozorenja koja se sastoje od grafičkog znaka zabrane pušenja i teksta koji glasi: “zabranjeno pušenje”. U prostorijama i mjestima rada ne smiju biti postavljene pepeljare ili druge posude koje mogu služiti za odlaganje pepela.

## VII

Provedbu zabrane pušenja dužan je osigurati rukovodilac Ureda.

## VIII

Za nepoštivanje zakonskih odredbi o zabrani pušenja, lice koje se zatekne kako puši u prostorijama, prostorima i mjestima rada u Uredu, prekršajno je odgovorno u skladu sa odredbama člana 39. Zakona. U skladu sa pozitivnim propisima, prekršajna odgovornost povlači i disciplinsku odgovornost.

## IX

Ova Odluka stupa na snagu danom donošenja i objavit će se na web stranici Ureda.

Broj: 24-09-8672-1/25  
Bihać, 08-07-2024



### Dostaviti:

1. Zaposlenicima Ureda
2. a/a